

नेपाल भाषा

अष्टादश लक्षण व विराग मार्ग





**Dhamma.Digital**

# नेपाल भाषा

अष्टादश लक्षण व विराग मार्ग

नेपाल भाषाया श्लोक—

लेखक—कर्मस्थानाचार्य

महाप्रज्ञा

प्रकाशक

अनागारिका धम्माचारी

निर्वाण मूर्ति उपासिकाराम

किरण्डोल, कान्तिपुर

नेपाल

मुद्राब्द—२५०६,

दशम कृतापया दां — १४०

## निवेदन

शुभ गुगुखः मनुष्यया जन्मे किञ्चिन्मता लक्षण व विराग-  
मार्ग ध्वगु ग्रन्थ, जि कालिम्पोङ्ग प्रज्ञाचैत्य महाविहारे च्वनाबले  
२४६४ साले हे च्वया तयागुखः । थुगु ग्रन्थ अनहे महाप्रज्ञो  
प्रेसे प्रथम संस्करण प्रकाश ज्वी धुंकःगुखः । आः हानं-उकेसवं  
बांलाक संशोधन याना, निकोगु संस्करण अनागारिका धम्मा-  
चारी या पाखें प्रकाश जूगुकी जिगु मन लेतागु उलिथुलि हे  
मदु ।

शुभ ग्रन्थ नेपाल भाषां श्लोक छन्द रूपं च्वयागु खः ।  
जि छद्म कर्मयोगी जूया निति, साहित्य ज्ञान जिके अभाव जूगु  
खः । तसर्थ लेखे अपालं ट्रुति ज्वीफु । थुकी पाथक मित्र पिबं  
कृपा पुर्वक भूल सुधार यासे ग्रन्थयागु मर्म पाखें विचार याना  
लेखकया परिश्रम व थःगु जीवन सुधार याई धैगु आशा  
यानागु जुल ।

—लेखक



## अष्टादश लक्षण

इह धर्म संघरत्न, गुरु माता पिता थुलि ॥  
पञ्चगुण मने ल्वीका, पञ्च अंगं नमो नमः ॥१॥  
संसारे ध्व महाभाग्यं, प्राप्त जृगु नरोत्तम ॥  
अष्टादश महा अंग, दुन्हां संयोग उत्तम ॥२॥  
लायगु थाकु ध्व संयोग, याय्माः विचार थ थमं ॥  
मदु न्हां दिर्घ आयु ध्व, अवश्यं छन्हु फ्वी तिनी ॥३॥  
मात्र निन्हु ध्व संसारे, अध्रुव थुगु जीवन ॥  
अवश्यं छन्हु तोतेमाः, ध्व धन थन स्त्रीजन ॥४॥  
अनित्य विषया शक्ते, व्यर्थ जन्म फुकेमत्य ॥  
संकि अष्टादश ज्ञान, अविचारीम्ह ज्वीमत्य ॥५॥  
त्रिचर लोक प्राणिपिं, आकाशे व जल स्थले ॥  
दृश्यपिं हे मदु संख्या, अदृश्यपिं अभाषणी ॥६॥  
अनन्त प्राणिपिं मध्ये, दुर्लभ नरया भव ॥

( २ )

अमूल्य नरया जन्म, शून्य कल्पे ध्वनिस्फल ॥७॥  
जन्मै पत्ति ध्व संसारे, ज्ञान नास्ति ध्व सत्त्वपि ॥  
सुख दुःख जूगु चित्ते, कर्मा कर्मैगु न्हांफल ॥८॥  
भोग यायां पुर्व कर्म, मेगु हानं प्रवर्द्धनी ॥  
गबले ध्व नरया लोके, प्राप्त ज्वी नर उत्तम ॥९॥  
अतिकं दुर्लभ जाति, ज्ञान भाण्ड मनुष्यया ॥  
महा योगं महा भाग्यं, लागु न्हां नर उत्तम ॥१०॥

छगू

नर रत्न प्राप्त जूगु, सु संयोग धका थन ॥  
स्यूगु थःतः थमं ज्ञानं, प्रथम नर लक्षण ॥११॥

निगू

उत्तमगु नरया जन्म, शून्य कल्पे ध्व निस्फल ॥  
शून्य कल्प मखु आज्ञा, बुद्ध धर्म नं दुगु ॥१२॥  
बुद्ध धर्म युक्त काले, जन्म जूगु सुलक्षण ॥  
प्राप्त जूगु नरया जन्म, अहो भाग्य सुलक्षण ॥१३॥

श्वंगू

भिगु कल्पे अहो झीपिं, जूसां नरया जन्म ध्व ॥  
अधर्मी नरया देशे, लाःसाः झी जुइ निस्फल ॥१४॥

( ३ )

ज्ञानी गुणी शास्त्र विद्यां, विद्यमानं ध्व श्रष्टगु ॥  
सुधर्मी नरया देशे, जन्म जूगु सुलक्षण ॥१५॥

प्यंगू

महायोगं विना लोके, दुर्लभ नर लक्षण ॥  
सुधर्मी नरया देशे, जन्म जूसां मनुष्यया ॥१६॥  
मिथ्यादृष्टि जाति कुले, लाःसा जन्म ध्व निस्फल ॥

यदि सम्यक् दृष्टि कुले, जन्म ज्वीगु सुलक्षण ॥१७॥

डागू

सम्यक् दृष्टिकुले लाःसां, कां, ख्वाञ्, लाता कुलक्षण ॥  
कां, ख्वाञ्, लाता मजूसानं, उन्मत्तागु कुलक्षण ॥१८॥  
कां, ख्वाञ्, लाता, वं स्वभाव, मज्जीगु सुभ लक्षण ॥  
इन्द्रियं पूर्णगु जन्म, उत्तम अति उत्तम ॥१९॥

खुगू

थुजोगु गुण सम्पन्न, जुल धाःसां परंअपि ॥  
धर्मे श्रद्धा अनुत्पन्नं, दुगु लक्षण निस्फल ॥२०॥  
यदि धर्मे दैगु श्रद्धा, सफल जुल लक्षण ॥  
धर्मे श्रद्धा यदि दैगु, उत्तम अति उत्तम ॥२१॥

न्हसगू

( ४ )

श्रद्धा दुगु चित्त जूसां, मदैगु यदि फुर्सत ॥  
श्रद्धा दुर्थे दैगु फुर्सत, महानं उगु लक्षण ॥२२॥

च्यागू

यदि फुर्सत दहै दःसां, लज्यां याना पनातयू ॥  
लज्या द्वारा धर्मे बाधा, दुसां लक्षण निस्फल ॥२३॥  
धर्मे लज्या ज्वीगु पाप, त्याग याय्मा सदामनं ॥  
धर्म कार्ये लाज नास्ति, ध्वनं लक्षण मादुषे ॥२४॥

गुंगू

धर्म कार्ये भय लज्या, नास्ति जूसां परंअपि ॥  
गृह जाल महामायां, तक्यना मफया च्वनी ॥२५॥  
यदि मायां मपनीगु, महा साधु सुलक्षण ॥  
नास्ति माया धर्म याय्तः, उत्तम अति उत्तम ॥२६॥

शिगू

धर्मे वंसां माया तोता, यथार्थ ज्ञान दुर्लभ ॥  
ज्ञान दाता दैगु अल्प, विचारं स्वयगु न्हां थुके ॥२७॥  
कारुणिक, शान्त चित्त, अलोभ त्रिगुने स्थित ॥  
शुजोह्य गुरु ज्वी लाभ, अहो भाग्य सुलक्षण ॥२८॥

शिछगू

गुणं युक्त गुरु लाभ, जुहे जूसां परंअपि ॥  
गुरुं व्युगु कृपा बोध, दुःख भापा विसिंवनी ॥२६॥  
गुरुं कंगु बोध वाक्यं, यदि बोध जुई नर ॥  
जिजा पापी सदा रोगी, भैषर्य थ्व गुरु कृपा ॥३०॥  
ज्ञानदाता गुरु विना; अन्य नास्ति सुबोधक ॥  
भापा चित्ते बोध ज्वीगु, थ्व गुण जुल लक्षण ॥३१॥

### झिनिगू

यदि बोध ज्वीह्व जूसां, मगावं ज्ञानया मणि ॥  
वियोग गुरु वा शिष्य, ज्वीयोगुनं कुलक्षण ॥३२॥  
रोगं वा कलह द्वारा, ज्वीगु वियोग सम्भव ॥  
अथवा संघे द्वेष याना, गुरु तोता विसिंवनी ॥३३॥  
धार्मीकं थुक्रिया निति, स्मृति तेगु महापथे ॥  
न्हाग्गु जूसां सहायागु, पूर्ण ज्वीगु सुलक्षण ॥३४॥

### झिंश्वंगू

यदि सहायाह्व जूसां, गुरु दोष खना वइ ॥  
गुरु प्रति जुया बादी, 'जिहे त्यात' धका मर्न ॥३५॥  
चोतबी गुरुया चित्ते, लोमंका गुरुया गुण ॥  
उह्व गुरु कृपा द्वारा, लागु ज्ञान महोत्तम ॥३६॥

वहे ज्ञान शस्त्र ज्वना, गुरु नाप महाबलं ॥  
 तर्क याना महाक्रोधं, ल्वाइगु ध्व कुलक्षण ॥३७॥  
 गुरु गुणे कृतज्ञता, यदी दइगु सुलक्षण ॥  
 गुण स्यूक्ष शिष्य ज्वीगु, उत्तम अति उत्तम ॥३८॥

श्लिप्यंगू

आ थुके कृतज्ञ जूसां, प्रवर्ज्या अति दुर्लभ ॥  
 प्रवर्ज्यात्त्व लाभ ज्वीगु, अहो धन्य सुलक्षण ॥३९॥

श्लिङांगू

प्रवर्ज्या हे लाभ जूसां, गुरु ज्वीगु हथाय् जुई ॥  
 विना चर्या वोधिज्ञान, लाय्गु न्हां अति दुर्लभ ॥४०॥  
 भोगी जुया मनं धार्थे, ज्वीगु न्हां सो भयङ्कर ॥  
 याना विरोध इच्छाया, तत्त्व सीकेगु लक्षण ॥४१॥  
 नत्र वै मार न्हां चित्ते, अहं भाव दया मने ॥  
 'जि' धाय्गु भावहे चित्ते, निर्वाण मार्ग बाधक ॥४२॥  
 'जिहे' खः मारया राजा, कृष्ण बन्धु धयातल ॥  
 'जि' धाय्गु रागहे मार, व मार त्याक्य दुष्कर ॥४३॥  
 त्यागी जूसा विरागं सो, त्यागंहे तिनी शान्त्वना ॥  
 शान्तं हे तिनि तच्चे सं, धातु मात्रज्ञ ज्वी अन ॥४४॥



धातु मात्रज्ञया नाम, महाप्रज्ञा धयातल ॥  
 तसर्थ मागु हे प्रज्ञा, धातु मात्रज्ञया विचा ॥४५॥  
 चर्यायाना पूर्ण ज्वीगु, ध्व नं खः न्हां सुलक्षण ॥  
 मार त्याके फुल्ल व्यक्ति, उत्तम अति उत्तम ॥४६॥

### झिन्हसगू

प्रज्ञा द्वारा मारयात, याना परास्त वीर्य नं ॥  
 अष्टादश धातु ज्ञान, महाप्रज्ञां सुबोधन ॥४७॥  
 ज्ञान ध्वीका सत्त्वपितः, ज्ञान दान विया जुये ॥  
 अन ज्वी धर्मया वृद्धि, जगते शुभ मङ्गल ॥४८॥  
 मेघं मुक्त चन्द्रमार्थे, ज्वीगु शान्ति व शीतल ॥  
 तर्क चक्रं मुक्त ज्वीगु, उत्तम अति उत्तम ॥४९॥

### झिंच्यागू

कल्पना चक्रया त्यागं, पुनर्जन्म जुइ क्षय ॥  
 महाक्षान्ति, महाप्रज्ञा, तत्त्व ज्ञाता महागुणी ॥५०॥  
 कृत कर्तव्य सम्पूर्ण, नास्ति शेषान्य छुं छगू ॥  
 देहान्ते ज्वीगु - निर्वाण, अष्टादशगु लक्षण ॥५१॥  
 थुली ध्व मनुष्य मात्रं, दर्शनीय विचार नं ॥  
 थःके थमं सुविचारं, स्वेगु लक्षण गुलि दत ॥५२॥

दक्षेसनं वृद्धि यायगु, मयायगु गबलें घटे ॥  
 मगागुली आशिका या, क्रमशः जुइ पूर्णता ॥३३॥  
 असंभव अन्यजाते, लक्षण गुण वानपि ॥  
 केवल नरया जाते, मात्र दु शुभ लक्षण ॥३४॥  
 ज्ञानं खंका थमं थःत, प्रतिज्ञा बलवीर्यं नं ॥  
 चर्या यासा मात्र दैगु, नत्र दुर्लभ लक्षण ॥३५॥  
 यासा मज्जीमखु धात्थे, नरजन्मे सुलक्षण ॥  
 अन्यजन्मे यायगु धायगु, आलस्यं मारया वशे ॥३६॥  
 फर्यां फक थव हे जन्मे, पूर्ण यायगु सुचिंतिय ॥  
 मफुलां फकनी यायगु, ल्यंगु क्रमशः पूर्ण ज्वी ॥३७॥  
 थुगु ज्ञान लुमंकेत, थुगु पाठ न्हिया न्हियं ॥  
 अखण्ड गुह्यसं पाठे, तैगु श्रद्धा महाबलं ॥३८॥  
 उह्यसया चित्त धर्मे, अप्रमादि जुइ जुल ॥  
 ध्वीका खंका महाप्रज्ञां, उल्लेख सु कृति कृतं ॥३९॥  
 इति

## विराग मार्ग

शास्ता ध्व लोक जगते, करुणावतारी	॥
मोक्षाकार नमपथे, गथे पूर्ण चन्द्र	॥१॥
ज्ञाने व सागर समं, मफु अन्त कायगु	॥
लोकै व उत्तम मुनि, शिरसा नमामि	॥२॥
कना विज्यागु वस्पोल, भगवान बुद्धं	॥
यथार्थ ज्ञान उपदेश, गुगु धर्म रत्न	॥३॥
सोपान, सेतु समगु, थुगु धर्म ज्ञान	॥
संसार सागर भवं, तरणार्थ द्वंग	॥४॥
दया च्वक भय विवर्जन, ज्वीगु मार्ग	॥
नमो धर्म रत्न बुद्धं, ल्वीका विज्यागु	॥५॥
व हे धर्म रत्न रक्षक, गुगु भिक्षु संघ	॥
जुयो स्रोत आपन्नादि, निर्वाण भागी	॥६॥
वस्पोल भिक्षुगणपिन्त, श्रद्धा तयाव	॥

बियागु दान फलनं, जुहू	स्वर्गवास	॥७॥
दशबलं प्रशंसित, गुगु	पुण्य क्षत्र	॥
चित्तं नमो उगु सदा, गुगु	भिक्षु संघ	॥८॥
प्रज्ञाबलं अतिमद्दान, त्रिरत्न	यागु	॥
त्रिलोक्या जन जुहू, गुगुलिं	व मोक्ष	॥९॥
त्रिरत्न सम मेव मदु, निर्वाण	दाता	॥
तस्मात् सदा भजन या, रत्नत्रयं	भो ?	॥१०॥
श्रेष्ठाकार परहितार्थ, सुभाव	चित्त	॥
दयावन्त गुह्य थन, उपदेश	दाता	॥११॥
लोकैत बोध कारक, गुण रूप	शास्ता	॥
सदा महागुरु मुनि, हृदयं	नमस्कार	॥१२॥
लोकोपकार मननं, तप	ध्यान याना	॥
त्याकाव मार मनया, दत्त	बोधिज्ञान	॥१३॥
चित्तं प्रमाद रहितं, अति	शान्त रूपी	॥
थुजाह्व बुद्ध जगते, दत्त	ज्ञीगु भाग्यं	॥१४॥
ध्वीकाव ज्ञान थमनं, नर	जन्म भिके	॥
सुधार कर्म ज्वीवं, सुख	प्राप्त ज्वीगु	॥१५॥
रत्नाति रत्न थुगु ज्ञान, अतिकं	महान	॥

ज्ञानं जकं थन दुःख, विनाश जुइगु ॥१६॥  
 लोके दया वक्क फुकं, मखु नित्य ज्वीगु ॥  
 अनित्य, दुःख हकनं, अनात्म भाव ॥१७॥  
 दयावक्क हे थ्व जगते, ध्रुव ज्वीगु नास्ति ॥  
 अनित्यं असार जगते, सुखयागु आशा ॥१८॥  
 ज्वीगू गनं थन सुखी, मदु थःगु यत्थे ॥  
 बल्लागु न्हाक्क जुलसां, जुय योगु नाश ॥१९॥  
 स्वप्ना समान थुगु लोक, मखु न्हां व सत्य ॥  
 ज्ञानं यथार्थ खनसा, मदु सत्य धाय्गु ॥२०॥  
 स्वप्नास जूगु व दुःख, विपना स नास्ति ॥  
 वर्थे थ्व ज्ञान दुगुसा, मदु दुःख धाय्गु ॥२१॥  
 विषं युक्त सम सर्प, धन द्रव्य लोके ॥  
 सदा मने जुल दाह, धन यागु पीरं ॥२२॥  
 दःसा मने मदु शान्ति, मदुसां व दुःख ॥  
 दुसा ज्ञान निख्वर न, मने शान्ति ज्वीगु ॥२३॥



## अनित्य=काल=अवस्था

क्षिप्तो यथा नभपथे, छुं किंचि वस्तु ॥  
भूमी हनं उगु वस्तु, कुतुं वइ स्वभावं ॥२४॥  
वथे थ्व लोक फुकहे, दया वक्क फुकं ॥  
फुनावनीगु जगते, स्व भा वं अ नित्यं ॥२५॥  
चा, न्हि मधाः व मद्युसें, वल काल न्ह्याना ॥  
सो ! सो ! विवेक मनसं, फुत आयु क्रमशं ॥२६॥  
मदुगु सुनं थ्व जगते, चिरं जीवि ज्वपिं ॥  
म्हीपिं गनं थन च्वनी, मवंसें मगाः न्हां ॥२७॥  
इन्द्रादि देव दक्क फुकं, ब ल वा न जू सां ॥  
गन्धर्व किन्नर तथा, दक्व यक्ष धापिं ॥२८॥  
अपिं सुधां मखु नित्य, फु क हे अ नित्य ॥  
ज्वीवं उथाय् क्षय आयु, य म या अ हा र ॥२९॥  
ज्वीगु अनित्य फुकहे, दक्व लोक फुकं ॥



हेतुं दया वक्क फुकं, मखु नित्य ज्वीगु	॥३०॥
लक्ष्मी हनं गृह क्षत्र, बस्त्रादि मुक्ता	॥
सम्पत्ति रत्न अनगिन्ति व रूप सोभा	॥३१॥
इष्टादि मित्र सहितं थव पुत्र द्वारा	॥
सुनं मदु अनुचर मरणान्त काले	॥३२॥
समुज्ज्वलगु प्रदिप महा वायु द्वारा	॥
सीगु व फवाक्क सट्टां जुई मृत्यु प्राणि	॥३३॥
सत्त्वे महा भय खना वल लित्तु लिना	॥
कालं नयाच्चन अहो ! स्वव ज्ञान चक्षुं	॥३४॥
जीर्णादि रोग सहचर सशैन्य काल	॥
पनांपने मफु ह्य काल शरीरान्त बेल	॥३५॥
धिच्चिं मच्चिं दन शखे खन जि अनित्य	॥
मरनार्थ हे थन सत्त्व जुल प्राणि जात	॥३६॥
रोगी निरोगी थन तरुणा व वृद्धा	॥
बालख धका मदु दया यमकाल धाह्य	॥३७॥
नानाप्रकार यत्नं तयागु स्वकाय	॥
कालं वया क्रमश वं श्यनकाव चोंगु	॥३८॥
ज्वीगु थव काय विभंग, सम मृति भाण्ड	॥

सम्भाल न्याक दतसां, जुइ योगु नाश	॥३६॥
थुजागु काय जननं, 'जिगु काय' भापा	॥
'जिहे ध्व काय' धैथें, ममता मतोतु	॥४०॥
दुःखाति दुःख अतिकं, 'जि' भाव दुगुलिं	॥
त्रिदुःख जूगु जगते, ममता प्रभावं	॥४१॥
अनित्य सम मेव मदु, व दुःख दाता	॥
व्याधि समं सकलैत, मदु अन्य दुःख	॥४२॥
जरासमं शत्रुमदु, व विरूप दाता	॥
ध्व जूगु स्वार्थ दुगुलिं, जुल दुःख नाना	॥४३॥
पीजा समान थुगु काय, मदु सार छुं छुं	॥
सपैंगु गःसम थुके, च्वनगु व काल	॥४४॥
स्वाधीन मदु काय, पुन न्हां असार	॥
त्यक्त वृक्ष कदलि, सम सार हीन	॥४५॥
स्वैंगुं ध्व काय परलोकस बइगु नास्ति	॥
एनं ध्व लोक जननं, ममता मतोतू	॥४६॥
थुजोगु देह नरनं, गुलि प्रेम यागू	॥
'गबलें मफवीगु' धैथें, ममता गुजागु	॥४७॥
सागर कदापि ज्वीमखु, लखं गागु भाव	॥

अग्निइत काष्ट अध्यहे, गवलें मगागु	॥४८॥
तद्रूप हे छ अनित्य !, मजा छंगु प्वाथ	॥
दयावक्कहे थ्व जगते, ध्रुव ज्वीगु नास्ति	॥४९॥
फुनावंगु जक थमं, व विचार यासा	॥
दुनावंगु पर्वत समं, खनी भंग भाव	॥५०॥

## शरीरे प्रतिकुल

काये दुने दुगु फुकं, विचाः याय सेकि	॥
न्हि, खै व मल मूत्रं, परिपूर्ण जूगु	॥५१॥
काये दुने दुगु फुकं, वहिर्दर्श जूसा	॥
ज्वीगू घृणा उगु रूप, गन ज्वीगु मोह	॥५२॥
काये दुने मल पूर्ण, घृणा युक्त खंकि	॥
बांलागु उगु रूप, पिनें खंगु मात्र	॥५३॥
बांलागु रूप जुलसां, मखुन्हां सुगन्ध	॥
सो सो छको नतुना, उगु योंगु रूपे	॥५४॥
दुर्गन्ध जूगु उतिकं, असूचिं व पूर्ण	॥
दुनें पिनें निखयरनं, घृणा युक्त काय	॥५५॥
प्येंगू व सागर लखं, उगु देह स्यूसां	॥

पर्वत् प्रमाण अपालं, सुगन्धं व ब्रूसां	॥५६॥
तथापि देह गबलें, सुचि ज्वीगु नास्ति	॥
थुजागु देह जगते, गुलि योगु माया	॥५७॥

## काम

जागू व वैश विष तुल्य, अशान्ति दाता	॥
कामं अशान्तिगु अग्निस, व्वां वनीगु	॥५८॥
विषं जाःगु वैश अतिकं, जुइ अन्धकार	॥
‘लिपते छु ज्वी’ धैगु, मननं मखंगु	॥५९॥
कामाग्नि थें जागु अग्नि, मदु अन्य पुइगु	॥
पुइयोगु अग्नि अतिकं, सुख तागु मूर्ख	॥६०॥
उन्मत्त तुल्य मननं, क्क्वांवंगु दुःखे	॥
लिफः मसो मन मिखां, पछुताप ज्वीगु	॥६१॥

## महाप्रज्ञा ज्ञान

जड जुक्क ‘रूप’ काये, ज्ञातन्य वस्तु	॥
ज्ञाता व ‘नाम’ सीकि, चेतन् धयागु	॥६२॥
नित्तां धव स्पूह्य सु जुल !, सिलला व ज्ञाता	॥
प्रज्ञा वहे उगु सूक्ष्म, महात्त्व ज्ञाता	॥६३॥

## महातत्त्व

स्वभाव-धर्म काये, जुल तत्त्व मात्र	॥
'जि' धाय्गु मद्दु छुनं, जुल न्हां स्वभावं	॥६४॥
मिखां खंगु उगु रूप, मखु जि स्वयागु	॥
जिहे स्वयागु खतसा, खन छाय् मयोगु	॥६५॥
श्रोतं व ताःगु शब्दे, मखु जि न्यनागु	॥
जिहे व ताःगु खतसा, छाय्थे मयोगु	॥६६॥
तत्त्वैगु धर्म फुक इन्द्रिय न्हां उर्थे हे	॥
तोतै मखु अनतक्क, मश्योतले हे	॥६७॥
इयंसा व तत्त्व थःके, उगु धर्म नास्ति	॥
जूला थुके योग्य, अधिकार काय्गु	॥६८॥
तत्त्वैगु थःगु स्वभाव, मखु 'जि' सनागु	॥
लिचीकि अभिमान, यदि शान्ति योसा	॥६९॥
मखुसा व अभिमान, जुइ कर्म कर्ता	॥

- जुयाव क्लेश उत्पन्न, पुनर्जन्म देकै ॥७०॥  
 'जिं' धाय्गु अभिमान, फुकं त्याग जूसा ॥  
 तच्चं थमं गबलसं, मखु शृष्टि याई ॥७१॥  
 स्यूसा व तच्च काये, जुइ शान्ति सत्यं ॥  
 मसिया, दया अभिमान, सिल दुःख थःमं ॥७२॥  
 'जि' धाय्गु भाव दुगुलिं, दत स्वार्थ भाव ॥  
 लाभार्थ बुद्धि उदयं, तल तोपुया व ॥७३॥  
 तच्चइगु ज्ञान फुक तोपुल, स्वार्थ भावं ॥  
 यानाव आश सुख यागु, ज्वन दुःख चक्र ॥७४॥  
 योसा व शान्ति मनया, थ्व विराग मार्गे ॥  
 याय्गू व पाठ प्रति दिने, थुइकाव भाव ॥७५॥  
 'मथू' धका व अलसिं, मत्य तोत्य पाठ ॥  
 स्यूपिं दुथाय् फुर्सते, वना सीक्य अर्थ ॥७६॥  
 लोके थुजोगु गुण ज्ञान, जुल लोप गुप्तं ॥  
 मागू थ्व मूल ज्ञान, मत्य गुप्त याये ॥७७॥  
 बुद्धैगु सिद्धान्त थ्वहे हेतु ज्ञान ॥  
 फुकेगु हेतु यदि फुसा निर्वाण ज्वीगु ॥७८॥  
 सीका जुये थन जाग्रत ज्ञान प्रज्ञां ॥



( १६ )

फवीगू अवश्य दुःख दायक दक्क फूक्कं ॥७६॥

हितार्थं लोक मननं ध्व विराग मार्ग ॥

च्वयाः तयाः फुथ्य थमं, थुगु ग्रन्थ ज्ञान ॥८०॥

इति

जगत प्राणिया जय ।



Dhamma.Digital



# महाप्रज्ञा या

प्रकाशित सफू—

१. बुद्ध जीवनी भजन ( हिन्दी भाषा ) ।
२. स्वचित्त शुद्धि मार्ग पदथ्य ( नेपाल भाषा ) ।
३. भजन माला ( नेपाली भाषा ) ।
४. अष्टादश लक्षण श्लोक ( नेपाल भाषा ) ।
५. विराग मार्ग श्लोक ( नेपाल भाषा ) ।
६. ललितविस्तर, वाखं, पाली भाषानुसार  
नेपाल भाषां अनुवादित ।
७. अष्टादश व विराग मार्ग; ( निकोगु संस्करण ) ।
८. परमार्थ दर्शन पदथ्य ( नेपाल भाषा ) । ( अप्रकाशित )

---

मुद्रकः— नेपाल प्रेस. ६/५६८ न्हसडक कान्तिपुर, नेपाल ।